



Prijedlog

Na osnovu člana 66.stav1. i člana 68.stav 1. i 2. Zakona o vodama („Službene novine Federacije BiH“, broj:70/06), čl.6.Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva („Službene novine Federacije BiH“, broj:88/12), donosi općinsko vijeće Gradačac na sjednici, održanoj .04.2019.godine, **d o n o s i**

ODLUKU ODREĐIVANJA ZONA SANITARNE ZAŠTITE IZVORIŠTA JZU BANJA „ILIDŽA“-GRADAČAC

I-OPĆE ODREDBE

Član 1.

Ovom Odlukom utvrđuju se zone sanitarne zaštite za izvorišta banja „Ilidža“ koja se koriste za snadbijevanje vodom JZU Centra za fizikalnu medicinu i rehabilitaciju i banjско liječenje „Ilidža“, veličine i granice zona sanitarne zaštite, zaštitne mjere, i način finansiranja mjera, režimi zaštite, nadzor nad provođenjem ove Odluke i druga pitanja od značaja za provođenje sanitarne zaštite i na izdašnost izvorišta vode za piće.

Član 2.

Izvorište banja „Ilidža“ locirano je sjeverozapadno od centra Gradačaca, a situativno na prostoru gradskog parka (u daljem tekstu: Izvorišta). Administrativno pripada Općini Gradačac, odnosno Tuzlanskom kantonu.

Član 3.

Zaštita izvorišta iz člana 2. ove Odluke vrši se uspostavljanjem i održavanjem zona sanitarne zaštite prema lokacijskim uslovima i istražnim radovima izvršenim po Elaboratu „sanitarna zaštita izvorišta banja „Ilidža“-općina Gradačac“ čiji je obrađivač Zavod za vodoprivredu d.d.Sarajevo, mart 2019.godine (u daljem tekstu:Elaborat), kao i provođenjem zaštitnih mjera utvrđenih ovom Odlukom.

Član 4.

Utvrđivanje zona sanitarne zaštite i zaštitnih mjera utvrđenih ovom Odlukom vrši se u cilju zaštite voda izvorišta od svih vidova zagađenja i štetnih uticaja s koji mogu nepovoljno djelovati na higijensku ispravnost voda za piće i na izdašnost izvorišta.

Član 5.

Mjere zaštite izvorišta utvrđene ovom Odlukom ugradiće se, na odgovarajući način, u prostorne dokumente Općine Gradačac u skladu sa Zakonom o prostornom uređenju Federacije BiH i Zakonom o prostornom uređenju Tuzlanskog kantona.

Do donošenja novih prostornih dokumenata Općina Gradačac, na mjere zaštite utvrđene ovom Odlukom primjenjivat će se odgovarajuća planska dokumentacija o mjerama za zaštitu izvorišta i ranije doneseni prostorni planovi i ostala planska dokumentacija.

Član 6.

Građenje i rekonstrukcija objekta i njihovo korištenje i obavljanje privredne, komunalne, poljoprivredne, šumarske i drugih djelatnosti na području iz člana 5.stav 1 i 2. ove Odluke mogu se vršiti na područjima zaštitnih zona utvrđenih ovom Odlukom samo na način i u mjeri utvrđenoj ovom Odlukom.

Član 7.

Općinsko vijeće Gradačac, nadležno za donošenje prostornih dokumenata Općine Gradačac, u skladu sa Zakonom o prostornom uređenju Tuzlanskog kantona, i za kontrolu provođenja prostornih dokumenata Općine Gradačac, organi uprave Općine Gradačac, privredna društva, druga pravna lica i građani dužni su se pridržavati ove Odluke i dosljedno i pravovremeno primjenjivati zaštitne mjere utvrđene ovom Odlukom.

Prostornim dokumentima Općine Gradačac utvrdit će se i mjere zaštite utvrđene Elaboratom, a po mogućnosti, i dinamika njihovog izvršenja.

Član 8.

Izvorište iz člana 2.ove Odluke, u skladu sa odlukom Općinskog vijeća Gradačac, upravlja preduzeće vodom JZU centar za fizikalnu medicinu i rehabilitaciju i banjско liječenje „Ilidža“Gradačac (u daljem tekstu:korisnik vodozahvatnih objekata).

II.ZAŠTITNO PODRUČJE

Član 9.

Zone zaštite izvorišta banje „Ilidža“ utvrđene su u skladu sa članom5.tačka 5.Pravilnika koji se odnosi na izvorišta mineralnih, termalnih i termomineralnih voda.

Prema stepenu opasnosti od zagađenja i drugih štetnih uticaja koji mogu nepovoljno uticati na zdravstvenu ispravnost vode ili na izdašnost izvorišta banje „Ilidža“ uspostavlja se samo:

-Prva zaštitna zona (zona izvorišta)

Zaštitne zone izvorišta „Ilidža“ prikazane su na karti mjerila 1:1.000.

U zoni iz predhodnog stava ovog člana primjenjuje se sanitarno-tehničke mjere i druga djelatnost na način utvrđen, ovom Odlukom.

Član 10.

(Zaštita, pristup i obilježavanje)

Mjere zaštite u granicama prve zaštitne zone izvorišta banja „Ilidža“ su određene u skladu sa članom10.Pravilnika.

Pristup području prve zaštitne zone dozvoljen je samo zaposlenicima koje odredi Upravitelj izvorišta i nadležni inspeksijski organi za vrijeme vršenja kontrole, kao i drugim licima uz posebnu dozvolu i evidenciju korisnika vodozahvatnih objekata.

Upravitelj izvorišta mora na odgovarajući način obilježiti prvu zaštitnu zonu i istaći upozorenje o zabrani neovlaštenog pristupa.

Član 11.

(Provođenje mjera zaštite)

Upravitelj izvorišta dužan je održavati postavljenu ogradu u ispravnom stanju i provoditi obezbjeđenje prve zaštitne zone i objekata u njoj.

Na području prve zaštitne zone, zabranjuju se sve aktivnosti koje nisu u direktnoj vezi sa normalnim radom i održavanjem izvorišta. Aktivnosti koje se sprovode u cilju normalnog rada i održavanja kaptaža i bunara ne smiju štetno djelovati na izvorište.

III- OBUHVAT I GRANICE ZAŠTITNIH ZONA

Član 12.

(Granice prve zaštitne zone)

Prva zaštitna zona se utvrđuje i uspostavlja za izvorište banje „Ilidža“, odnosno eksploatacione bunare B-5 i B-6.

Zaštitne zone izvorišta bunara B-5 i B-6 prikazane su na karti mjerila 1:1.000 u prilogu.

Prva zaštitna zona obuhvata prostor oko vodnozahvatnog objekta, kojim se vodozahvatni objekt štiti od slučajnog ili namjernog zagađenja ili oštećenja.

Granica prve zaštitne zone obezbjeđuje se ogradom ne nižom od dva (2) metra koja se postavlja na udaljenosti ne manjoj od deset (10) metara od vanjskih kontura vodozahvatnog objekta (bunara) odnosno ne manje od 3 metra od vanjskih kontura vodozahvatnog objekta (bunara) ukoliko se utvrdi da ne postoji mogućnost direktnog površinskog zagađenja izvorišta na lokaciji vodozahvata (bunara), troškovi eksproprijacije okolnog zemljišta su izuzetno visoki.

Prva zaštitna zona bunara B-5 i B-6 je ograđena betonskim stubovima i pletenom žicom dimenzija 8 x 8 metara, a ukupna površina je 128 m².

Zemljište prve zaštitne zone bunara B-5 i B-6 je vlasništvo općine Gradačac.

Unutar I prve zaštitne zone situirani su eksplatacioni bunari B-5 i B-6 (bunar sa razvodnim mehanizmom, vodoinstalacionom, električnom i elektronskom opremom). Bunari su ograđeni, svaki pojedinačno.

Granica I zaštitne zone obuhvata dijelove slijedeće parcele:kč.1228/1.

Ukupna površina prve zaštitne zone izvorišta „Ilidža“ je cca 120,0 m².

Situacioni položaj prve zaštitne zone izvorišta „Ilidža“ prikazan je na karti M 1:1.000 i predstavlja zonu najstrožijih zabrana i ograničenja.

IV-ZAŠTITNE MJERE ZA IZVORIŠTE

1. ZAŠTITNE MJERE ZA PODRUČJA OBUHVAĆENA PRVOM ZAŠTITNOM ZONOM IZVORIŠTA I REŽIM ZAŠTITE U TOJ ZAŠTITNOJ ZONI

Član 13.

Područje prve zaštitne zone izvorišta „Ilidža“ mora biti zaštićeno od neovlaštenog pristupa čvrstom i sigurnom ogradom, te drugim potrebnim mjerama fizičke zaštite i osiguranja.

Pristup u područje prve zaštitne zone dozvoljen je samo stručnim licima i zaposlenicima koje odredi korisnik ili vlasnik vodozahvatnih objekata i nadležnim inspeksijskim organima za vrijeme vršenja kontrole.Pristup u području prve zaštitne zone drugim licima moguć je samo uz posebnu dozvolu i evidenciju korisnika vodozahvatnih objekata.

Na području prve zaštitne zone mogu se, uz primjenu potrebnih mjera zaštite, nalaziti vodozahvatni objekti-bunari, kapitažne građevine, rezervoari, pumpne stanice, postrojenja za prečišćavanje vode, pogonske i administrativne zgrade, prilazni i unutrašnji putevi i drugi objekti neophodni za rad sistema vodosnadbijevanja.

Korisnik ili vlasnik vodozahvatnih objekata dužan je održavati postavljenu ogradu u ispravnom stanju i provoditi obezbjeđenje ove zone i objekata u njoj u smislu odredba predhodnih stanova.

Korisnik ili vlasnik vodozahvatnih objekata mora, na odgovarajući način, obilježiti prvu zaštitnu zonu izvorišta i istaći upozorenje o zabrani neovlaštenog pristupa.

Na području prve zaštitne zone, zabranjuju se sve aktivnosti koje nisu u direktnoj vezi sa normalnim radom i održavanjem sistema za vodosnadbijevanje.Aktivnosti koje se provode u

cilju normalnog rada i održavanja sistema vodosnadbijevanja ne smiju štetno djelovati na izvorište. Izuzetno se na području prve zaštitne zone izvorišta mogu provoditi sljedeće aktivnosti :

1. uzgajanje trave bez upotrebe đubriva i drugih agrotehničkih sredstava,
2. kontrolisana sjeća i krećenje šume dopušteno uz standarde i dodatne mjere zaštite,
3. provođenje kanalizacije i druge instalacije koje služe za normalan rad objekta vodosnadbijevanja, s tim da je odgovarajućim projektnim i izvođačkim rješenjem osigurano da te instalacije ne mogu ugroziti izvorište,
4. instalacije trafo-stanica koje sadrže ekološki prihvatljive materije ili imaju nepropusne jame koje onemogućuju curenje ulja i piralena u tlo,
5. skladištenje kemikalija uz primjenu potrebnih mjera osiguranja koja onemogućavaju njihovo štetno djelovanje na izvorište, i
6. instaliranje dizel-agregata (kao rezervni izvori električne energije) uz primjenu potrebnih mjera osiguranja i pojačanim stepenom sigurnosti u odnosu na upotrijebljeno gorivo.

Za izvorište „Ilidža“ uspostaviti posebnu kontrolu praćenja kvaliteta vode u izvorištu (moritoring izvorišta), te praćenje svih aktivnosti u slivnom području izvorišta koje se mogu negativno odraziti na režim i kvalitet vode u izvorištu.

V- POSEBNE MJERE KONTROLE

Član 14.

Praćenje promjena u slivu izvorišta banje „Ilidža“ koje mogu uticati na kvalitet vode na vodozahvatnim objektima sprovodi se mjerama posebne kontrole, koje naročito uključuju:

- uspostavljanje moritoringa kvantitativno-kvalitativnih karakteristika voda u slivu izvorišta;
- inspeksijske kontrole slivnog područja.

VI- NADZOR NAD PROVOĐENJEM OVE ODLUKE

Član 15.

Nadzor nad provođenjem ove Odluke vrši Federalno ministarstvo poljoprivrede, vodoprivrede i šumarstva.

Član 16.

Inspeksijski nadzor nad provođenjem ove odluke odnosno nad sprovođenjem režima i mjera zaštite propisanih ovom Odlukom vrše nadležni inspektori organi u skladu sa važećim propisima.

VII- KAZNENE ODREDBE

Član 17.

Novčanom kaznom od 5.000 do 50.000 KM kaznit će se za prekršaj pravno lice ako ne provodi Odluku o zaštiti izvorišta iz člana 204.stav 1.tačke 10.Federalnog Zakona o vodama („Službene novine F BiH“, broj 70/06).

Član 18.

Novčanom kaznom od 2.000 do 20.000 KM kaznit će se za prekršaj pravno lice ako se ne pridržava odredbi člana 205. Federalnog Zakona o vodama („Službene novine F BiH“, broj:70/06).

Član 19.

Novčanom kaznom od 100 do 2.000 KM kazniće se za prekršaj fizičko lice ako se ne pridržava odredbi člana 206. Federalnog Zakona o vodama („Službene novine F BiH“, broj:70/06).

VIII-PRELAZNE I ZAVRŠNE ODREDBE

Član 20.

(Uređenje prve zaštitne zone)

Na području prve zaštitne zone izvorišta banja „Ilidža“ izvršit će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od šest mjeseci od dana stupanja na snagu ove Odluke.

JP „Komunalac“ d.d. Gradačac je dužna izvršit radnje iz člana 10-11. ove Odluke za koje je ovom Odlukom zadužena u roku od 365 dana od dana stupanja nasnagu ove Odluke.

Član 21

(Obaveza pridržavanja odredbi)

JZU Banja „Ilidža Gradačac i druga pravna fizička lica dužni su pridržavati se odredba ove Odluke i primjenjivati ovom Odlukom propisane mjere za zaštitu izvorišta banja „Ilidža“ u Općini Gradačac.

Član 22.

Ova Odluka stupa na snagu osmog dana od dana objavljivanja u „Službenim novinama Tuzlanskog kantona“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
-Općinsko vijeće-**

**Broj:06/2-23/9-914/19
Gradačac,12.04.2019.godine**

**PREDSJEDAVAJUĆI
OPĆINSKOG VIJEĆA
Šakić Enir, prof.**

Obrazloženje

Pravni osnov za donošenje ove Odluke sadržan je u članu 68.stav 1. i 3. Zakona o vodama - u daljnjem tekstu osnovni Zakon („Službene novine F BiH“,broj.70/06) i Zakona o vodama Tuzlanskog kantona („Službene novine TK“,broj:09/08), kojim je propisano da Odluku o zaštiti izvorišta i zaštitne mjere, čije se zone sanitarne zaštite prostiru na području općine Gradačac, donosi Općinsko vijeće.Obzirom da se zaštitne izvorišta banje „Ilidža“ nalaze na teritoriji općine Gradačac, Odluku o zaštiti izvorišta donosi općinsko Vijeće Gradačac.

Članom 66.stav 1. Zakona o vodama utvrđeno je da područje na kojem se nalazi izvorište vode koja po količini i kvalitetu može koristiti ili se koristi za javno vodosnadbijevanje mora biti zaštićeno od zagađenja i drugih nepovoljnih uticaja koji mogu imati nepovoljne efekte na zdravstvenu ispravnost vode ili izdašnost izvorišta.

Dalje st. 2. istog člana utvrđeno da se na području izvorišta provodi zaštita izvorišta utvrđivanjem zona sanitarne zaštite, čija veličina, granice,sanitarni režim, mjere zaštite i drugi uslovi određuju prema propisu o načinu utvrđivanja uvjeta za određivanje zona sanitarne zaštite i zaštitnih mjera iz stava 1.ovog člana.

Pravilnikom o načinu utvrđivanja uslova za određivanje zona sanitarne zaštite i zaštitnih mjera za Izvorišta vode za javno vodosnadbijevanje stanovništva-u daljem tekstu Pravilnik („Službene novine Federacije BiH“; broj:88/12) propisani su uslovi za određivanje zona sanitarne zaštite i zaštitnih mjera izvorišta vode za javno vodosnadbijevanje.

Zaštita izvorišta „Ilidža“ u Gradačcu prema odredbama ove Odluke vrši se uspostavljanjem i održavanjem zone sanitarne zaštite prema lokalnim uslovima i istražnim radovima izvršenim prema Elaboratu sanitarne zaštite izvorišta JZU banja „Ilidža“ čiji je obrađivač Zavod za vodoprivredu d.d.Sarajevo, mart 2010.godine, kao i sprovođenjem zaštitnih mjera utvrđenih ovom Odlukom.

U općim odredbama ove Odluke regulisane su sljedeće radnje:

Članom 1. utvrđen je predmet ove Odluke,

Članom 2. utvrđeni su razlozi za donošenje Odluke,

Članom 3. utvrđuju se potrebe i pretpostavke za donošenje Odluke,

Članom 4. utvrđuju se ciljevi donošenja Odluke,

Članom 5.navedeni su prostorno-planski dokumenti važni za Odluku,

Članom 6.propisano je da se sprovođenje određenih aktivnosti u zaštitnim zonama izvorišta može vršiti samo na način i u mjeri utvrđenoj predloženom Odlukom,

Članom 7. utvrđuju se pravila ponašanja svih subjekata od kojih zavisi sprovođenje Odluke,

Članom 8. utvrdilo se koje je društvo nadležno za upravljanje izvorišta.

U odredbama za zaštitno područje:

Članom 9. utvrđeno je uspostavljanje zona zaštite,

Članom 10.utvrđene su mjere zaštite zona zaštite,

Članom 11.utvrđeno je provođenje mjera zona zaštite.

U obuhvatu granica zaštitnih zona:

Članom 12. utvrđen je prostor koji se odnosi na prvu zaštitnu zonu..

U zaštitnim mjerama za izvorište:

Članom 13.utvrđene su mjere zaštite u prvoj zaštitnoj zoni.

Za posebne mjere kontrole:

Članom 14.utvrđene su mjere posebne kontrole slivnog područja izvorišta,kojima se prate promjene u slivu koje mogu uticati na kvalitet vode na izvorištu.

Nadzorom nad provođenjem Odluke predviđeno je:

Članom 15. nadzor nad provođenjem Odluke,

Članom 16. inspekcijски nadzor provodi inspektor Tuzlanskog kantona.

Kaznenim odredbama u :

Članovima 17.,18., i 19. utvrđene su kazne za nepoštivanje odredba Odluke i Zakona.

Prelaznim i završnim odredbama u članu 20.,21. i 22. utvrđene su mjere uređenja prve zaštitne zone,obaveza pridržavanja odredbi stupanja na snagu ove Odluke.